

Na osnovu člana 18. Statuta Dobrovoljnog vatrogasnog društva "Zenica" Zenica, Upravni odbor Društva na svojoj 26. sjednici održanoj dana 28.06.2018. godine, donosi :

## **KUĆNI RED DOBROVOLJNOG VATROGASNOG DRUŠTVA ZENICA**

### **I. OPĆE ODREDBE**

#### **Član 1.**

Kućni red se donosi radi osiguranja reda, mira i čistoće u objektima i okolišu objekata koji su u vlasništvu i dati na korištenje Dobrovoljnom vatrogasnom društvu Zenica (u daljem tekstu: zgrada), kao i radi očuvanja samih prostorija i uređaja u prostorijama, vatrogasne opreme i vatrogasnih vozila.

#### **Član 2.**

Odredbe ovog Kućnog reda odnose se na sve osobe koje po bilo kojem osnovu trajno ili povremeno koriste prostorije kao i osobe koje u prostorije povremeno ulaze ili koriste vatrogasna vozila Dobrovoljnog vatrogasnog društva Zenica (u daljem tekstu: vozila).

#### **Član 3.**

Korisnici su dužni prostorije i okoliš te druge uređaje i vatrogasnu opremu kao i vozila koristiti pažnjom dobrog domaćina.

### **II. POSEBNE ODREDBE**

#### **1. Korištenje prostora u zgradi**

#### **Član 4.**

Korisnik je dužan prostore i uređaje u prostorijama, zemljište oko prostorija i vatrogasnu opremu koristiti u skladu s namjenom, postupati pažljivo te ih čuvati od oštećenja.

#### **Član 5.**

Korisnici prostorija dužni su ostaviti prostorije i okoliš u stanju u kakvom su ga zatekli, urednu i neoštećenu.

#### **Član 6.**

Korisnici su dužni sami se brinuti za svoje stvari i vrijednosti ostavljene u prostorijama i DVD Zenica ne odgovara za eventualni nestanak istih.

#### **Član 7.**

U prostorije nije dozvoljeno unošenje oružja, lako zapaljivih i eksplozivnih tvari i tvari s jakim ili neugodnim mirisom te druge opasne stvari bez dozvole.

#### **Član 8.**

Zabranjeno je uništavanje opreme i namještaja, izazivanje nereda i ometanje drugih korisnika prostorija kao i stanovnika koji žive pokraj prostorija.

Korisnici su sami odgovorni za ponašanje u prostorijama i njezinoj okolini i u slučaju nezgode sami snose odgovornost.

#### **Član 9.**

Ukoliko dođe do nestanka ili oštećenja instalacija, namještaja, uređaja, opreme ili zidova, korisnik je o tome dužan obavijestiti sekretara.

Ukoliko je do nestanka ili oštećenja došlo krivicom korisnika, korisnik je dužan nadoknaditi određenu protuvrijednost o čemu zaključak donosi predsjednik DVD-a.

#### **Član 10.**

Korisnici prostorija dužni su održavati čistoću prostorija koje koriste.

Nije dozvoljeno kroz prozore i vrata bacati bilo kakve predmete, opuške, polijevati vodu i slično.

Nije dozvoljeno u WC školjke, umivaonike i druga mjesta koja za to nisu predviđena, kao i na dvorište i u okoliš prostorija bacati otpatke.

Nije dozvoljeno ostavljati uključene električne i plinske uređaje ili otvorene slavine dok niko ne boravi u prostorijama.

#### **Član 11.**

Otpaci i smeće odlažu se u za to pripremljena mjesta, odnosno kante za smeće.

Sekretar ili koga on odredi dužni su najmanje jednom sedmično isprazniti kante za smeće.

#### **Član 12.**

Nije dozvoljeno vikom, glasnom uporabom uređaja za reprodukciju slike i zvuka i drugim sličnim postupcima narušavati mir u i oko prostorija.

Vrijeme noćnog mira je od 23:00 do 07:00 sati

#### **Član 13.**

Ulazna vrata u zgradu moraju se zaključavati.

Članovi DVD-a u skladu s dužnošću koju u DVD-u obavljaju imaju pravo na ključ od ulaznih vrata ili pojedinih prostorija prema posebnoj odluci predsjednika ili sekretara DVD-a Zenica.

Sekretar ima ključeve od svih vrata na i u prostorijama te ima pravo ulaziti u sve prostorije radi kontrole i mogućeg sprječavanja nastanka štete ili opasnosti.

#### **Član 14.**

U prostorije je zabranjeno dovođenje osoba koje nisu članovi DVD-a ako iste nisu najavljene ili nemaju dozvolu predsjednika ili sekretara DVD-a Zenica.

#### **Član 15.**

Za održavanje reda te primjenu odredaba ovog kućnog reda vezanih za prostorije i njezin okoliš odgovorni su sekretar ili koga on ovlasti.

## **2. Korištenje vozila**

#### **Član 16.**

Vozilima se upravlja u skladu s saobraćajnim propisima.

Vozilima je zabranjeno upravljati pod utjecajem alkohola i drugih opojnih sredstava.

#### **Član 17.**

Vozilima smiju upravljati članovi i osobe koje za to imaju vozačku dozvolu propisane kategorije.

#### **Član 18.**

Nakon korištenja vozila osoba koja je vozilo koristila dužna je vozilo očistiti i oprati najkasnije u roku od dva (2) dana od dana korištenja vozila.

U slučaju da vozilo iz prethodnog stava ovog člana u roku od dva (2) dana koristi više osoba ili nema potrebe za pranjem vozila, vozilo će se oprati nakon završenih vožnji zajedno sa osobom ili osobama koje su koristile vozilo prije.

#### **Član 19.**

Vozilo se čisti na način da se najprije pomete iznutra nakon čega se uzimaju dvije kante vode. U jednu kantu se stavi auto šampon ili sapun, a u drugu čista voda. Uzima se spužva i krpa (tzv. „vileda“) te se sa spužvom i sapunicom briše iznutra po podu i metalnim dijelovima koji su u prašini nakon čega se sa čistom vodom i krpom (tzv. „vileda“) briše prije nanosena sapunica uz ispiranje krpe (tzv. „vileda“) u čistoj vodi. Armatura se briše samo sa krpom (tzv. „vileda“) uz ispiranje u vodi ili se briše sa maramicama za brisanje armature. Ni u kojem slučaju za pranje vozila iznutra ne smije se koristiti veća količina vode iz crijeva ili tzv. „miniwasch“.

Izvana se vozilo pere sa vodom iz crijeva ili tzv. „miniwaschem“ na način da se vozilo prvo namoči vodom, a zatim se nanosi sapunica pomoću spužve ili četke. Nakon nanošenja sapunice vozilo se ispere čistom vodom.

Za čišćenje stakala izvana i iznutra nanosi se tekućina za pranje stakala na staklene površine te se nakon toga briše pomoću papira ili lane krpe.

#### **Član 20.**

Vozači voznog parka su dužani najmanje jednom mjesečno očistiti i oprati vozila.

#### **Član 21.**

Vozači voznog parka su odgovorani za urednost i čistoću vozila.

Za kontrolu postupaka iz člana 17., 18. i 19. ovog kućnog reda zadužen je i odgovoran komandir.

Ukoliko komandir utvrdi da se nije postupilo u skladu s odredbama ovog kućnog reda o tome je dužan obavijestiti predsjednika ili sekretara DVD-a Zenica.

### **3. Korištenje vatrogasne opreme (lične i kolektivne)**

#### **Član 22.**

Vatrogasna oprema se koristi u skladu sa Zakonom zaštite od požara i vatrogastva i podzakonskim aktima.

Vatrogasnu opremu je zabranjeno koristiti pod utjecajem alkohola i drugih opojnih sredstava.

#### **Član 23.**

Lična oprema se čuva u ormarima predviđenim za ovu opremu. Oprema mora biti uvijek u ormarima osim u slučaju kada se nosi na pranje. Oprema van ormara ne smije biti duže od 5 dana od dana nošenja na pranje. Za nošenje opreme na pranje obavezno se treba najaviti komandiru. Oprema se pere prema uputama proizviđača opreme.

#### **Član 24.**

Ukoliko dođe do nestanka ili oštećenja vatrogasne opreme (lične i kolektivne) ili ormara za ličnu opremu, korisnik je o tome dužan obavijestiti komandira.

Ukoliko je do nestanka ili oštećenja došlo krivicom korisnika, korisnik je dužan nadoknaditi određenu protuvrijednost o čemu zaključak donosi predsjednik DVD-a.

**Član 25.**

Vatrogasna oprema mora biti pravilno složena i osposobljena za upotrebu, a po završenoj intervenciji članovi operativne jedinice moraju uredno očistiti opremu i nedostatke ukloniti.

**III. ZAVRŠNE ODREDBE**

**Član 26.**

O primjeni ovog kućnog reda brinu se svi korisnici, a posebno osobe određene za primjenu kućnog reda.

Svaki korisnik prostorija i vozila ovlašten je i dužan o povredama kućnog reda obavijestiti osobu određenu za primjenu kućnog reda.

**Član 27.**

Ovaj Kućni red stupa i primjenjuje se danom donošenja.

Broj:01-131/18  
Zenica, 28.06.2018. godine

**P R E D S J E D N I K**  
mr. Kahvedžić Harun, dipl. oec.,  
s.r.